


თბილისიდან წახა ვთხ ბაქოკენს

ბაქოკენს თბილისში

1965 წლის



8
1965



ახალი ჩემპიონები.

ნ. ჯ. ლომიანი


№ 18 (1220) თბილისი საქმეობი 1965

საქმეობი

ბაგოტევის 43-ე ფელი, ფანი 20 კაპ.

საზღვრო პოლიცია

ქვეყნის
განმანათლებელი



„ვინცავენი კაცი ღვინოს რად სმენ, რომე ყოველი ავი სიმთვრალეს მოაქვსო?“

სულხან-საბა ორბელიანი.

„ნიღბოსტანვაჭრობის“ ავტოსატრახ-სპორტო კანტორის მძღოლმა გიორგი ალაბალოვმა გარაჟის წინ დააყენა სა-

ბარგო ავტომანქანა „გაზ-51, გრე-22-74“. დაიმედებული, რომ საბარგო მანქანას არავინ მოიპარავდა, ექსპედიტორ ჯანიაშვილის სახლში შევიდა. იმავე გარაჟის დარაჯმა მარტინ ასატუროვმა იწყინა, მანქანა უქმად რატომ დგასო, საჩქაროდ ჩასხა შიგ მგზავრები, მიუჯდა საჭეს და გააქანა თბილისის ზღვისაკენ. ჯერჯერობით დადგენილი არ არის, მგზავრები — ანტონიანი, პეჩორსკი, გრიგორიანი, პეჩორსკია და გ. ასატუროვი აღფრთოვანებულნი შეხედნენ ახალი მძღოლის გამოჩენას თუ ყვიროდნენ: „გაჩერე, გაჩერეო“. ფაქტი ისაა, მარტინს დაავიწყდა მართვის მარტივი წესი, რომ მთაზე პირდაპირ, მოუხვევლად, ასვლა არ შეიძლება. „მო-

უხვიე მაინცაო“, — ამას კი ეხვეწებოდნენ შეშინებული მგზავრები. „მიხვეულ-მოხვეული მე არც ლაპარაკი მიყვარს და არც საქმეო“, — იწყინა ბიჭმა და მახათივით დაარჭო ავტომანქანა მახათას გორას...

(ზედა ფოტო)

* * *

საჭის ხამი როდია ისაკ ხაიმაშვილი, მაგრამ, ხომ გაგიგონიათ, ერთი ალი-ლუია მღვდელსაც შეეშლებო. ასე მოუვიდა ისაკსაც. ერთ არამშვენიერ დღეს, სოფელ ბაგებიდან, ბაგეზე ღიმილით გამოაქროლა „მოსკვიჩი“ 407 გრფ 31-65“. ჭავჭავაძის პროსპექტზე რომ გამოვიდა, გაახსენდა ილიას სიტყვები: „მოძრაობა და მარტო მოძრაობა არის, ჩემო თერგო, ქვეყნის ღონისა და სიცოცხლის მიმცემი...“ ძალ-ღონე მოიკრიბა, სიჩქარეს მოუმატა, მოძრაობის წესები დაარღვია და ელექტრობოძს დაეჯახა. ელექტრობოძი გადარჩა, მაგრამ „მოსკვიჩზე“ დატოვა წარუშლელი კვალი.

ასეა, როცა ბოძები „თავის ადგილზე“ არ დგანან!

* * *

...თვე იყო თებერვალი, წელი 1965, საათი 19,45. ტაქსი იყო „ვოლგა“—21, გრა 98--10“, მძღოლი იყო გ. კარაპეტიანი. კახეთის გზატკეცილი იყო ლარივით სწორი. კარაპეტიანი იყო მთვრალი — გზის მარცხენა მხარე მარჯვენად ეჩვენებოდა და საბარგო ავტომანქანა — თივის ზვინად...


ჰოდა, მოხდა ის, რაც არ უნდა მომხდარიყო. კარაპეტიანის „გიჟურსა ქროლვას“ ლოგიკური წერტილი დაესვა.

(ქვედა ფოტო)

* * *

კარგად რომ შეჭიკჭიკდა გუგული მარტაშვილი, მიუჯდა საკუთარი „ვოლგის“ (21. გრფ 38-09) საჭეს და გააჭენ-გამოაჭენა რუსთაველის პროსპექტზე. კაფე „მეტროს“ წინ, № 10 მარშრუტი ტროლეიბუსის მძღოლმა შეამჩნია საჭეზე და თავზე ხელადებული მარტაშვილი და გააჩერა ტროლეიბუსი, ავარია რომ არ მომხდარიყო. ეს იწყინა გუგულიმ და გაჩერებულ ტროლეიბუსს დაეჯახა...

ირ. ჩოფიაშვილი



ნახ. ზ. ლომიძისა

სად არის ძაღლის თავი დამარხული?

საქართველო გული!

ძვირფასო ამხანაგებო! ალბათ, დამეთანხმებით, რომ ადამიანის გული ზოგჯერ „თბილვაჭრობის“ რძესავით ამღვრეულია, ზოგჯერ კაფე „ციცკრის“ ყავასავით ცივი, ხან ჩემი ქუჩის ასფალტით აყრილი და ხანაც ზღვისპირა აგარაკით ცხელი.

ბევრს, ძალიან ბევრს გვაქვს კეთილი გული.

ბევრს, ძალიან ბევრს გვსურს, უფრო კეთილი გული გვქონდეს და, აი, მეცნიერებამ გაითვალისწინა ჩვენი სურვილი და ცოლის-ძმისავით ამოგვიდგა მხარში. დღეს ტექნიკა ბრინდოზავრის ნაბიჯებით მიდის წინ. სულ მალე, საკომისიო მაღაზიების დასტკეველ და იმალევა გულების პირველი პარტია, ხოლო დახლთან, დაახლოებით, ასეთი დიალოგი გაიმართება:

— მომეცით იტალიური გული!

— ქალო, შენ „პლაში“ ხომ არ გგონია გული, იტალიურს რომ მითხო! ქუთაისის განომევა გვაქვს კარგი, ქართული გული, თუ გინდა, გამოგიწერ!

— ქართულ გულს ვინდა ატარებს ახლა, დამეცინი?

— მე მომეცით ორი გული, მნიშვნელობა არა აქვს, სადაური იქნება!

— ორი გული რად გინდა, ესეც წინდა ხომ არ არის?

— მაინც ორგულს მეძახის ქმარი და!.. — ისმის ცრემლნარევი ხმა.

— მე ისეთი გული მომეცით, არც ყბაგასიებული პაციენტის დმული მოქმედებდეს მასზე და არც კუჭატკივებულის მანჭვავრება.

— ასეთი გული შენ უკვე გექვს და ახლა სხვას აცალე! — უყვირიან რიგში მდგომ გქიმს.

— მე გული არ მინდა, რედაქტორს მიეცით, გულის ანგარიშში სული დამიტატეთ! — მოითხოვს პოეტი.

ერთი სიტყვით, რა გამოლევს მყიდველს. ისინი იქნებიან სხვადასხვა პროფესიის ადა-

მიანები. ჩვენი მრეწველობა გაითვალისწინებს მათს მოთხოვნილებას და გამოუშვებს ფართო ასორტიმენტის გულებს. როგორც წესი, გამოვა მხოლოდ პლასტმასის გულები, რადგან რკინისა და ქვის გული დღესაც საკმარისად გვხვდება და მათი დამატებით გამოშვება მიზანშეწონილი არ არის. პირველ ხანებში, შედარებისათვის, დამზადდება ცივი და ამპარტაჟანი გულიც, მაგრამ, მხოლოდ პირველ ხანებში და ისიც შედარებისათვის შემდგომში ქარხნები მხოლოდ თბილი გულების დამზადებაზე გადავლენ.

შორს არ არის ის დრო, როცა რედაქტორის კარებზე გაჩნდება ასეთი წარწერა: „ავტორების საყურადღებოდ! ვისაც დიდი გული გაქვთ, ჩაბარეთ მდივანს. რედაქტორთან დიდი გულით შესვლა აკრძალულია!“

გასაგებია, რომ ყოველ აღმოჩენას, ყოველ სიახლეს, თავისი ნაკლოვანებებიც გააჩნია. მაინც რა ნაკლოვანებები ექნება ამ სიახლეს? ჯერ ერთი, საჭირო გახდება ყველა სახის ლექსიკონის ხელახალი გამოცემა, რადგან, ამჟამად, იგი უგულოდაა შედგენილი; მეორეც, დაეკარგეთ შესანიშნავ გამოთქმას: „ჩემი გული გჭამე“, რადგან პლასტმასა, ჯერჯერობით, საჭმელად არ ვარგა, მესამეც, ვედარ ვიმღერებთ: „გულით, მარჯვენა გულით, რა კარგი ხარ, გოგონი“ ასეთი ძვირი საშოვნელი აღარ იქნება გული და ასე სახვეწრადაც აღარ გვექნება საქმე.

„შენ გაგისკდა ვბ გული!“ — საშიში აღარ იქნება ასეთი წყევლა. დროთა განმავლობაში, ადამიანის ყველა დასაბრმავებელი, მოსატეხი, ჩასაკდომი და გასახმობი ნაწილი ხელოვნური იქნება და ყოველგვარი წყევლა ძალას დაკარგავს. აქედან გამომდინარე, რძალ-მულ-სიდერ-დედამთილები და მუნჯდებიან და იდეალური სიწყნარე გამოუდება დედამიწაზე.

ბ. მახვილბაძე



— წარმოგიდგინია? სამკროზიანი ოკაბის ბილითური მანეთი ბადაზა-დევინის!



ქამისთვის დადებული გაქვს ბაუბაუი დევის ხახაო, შრომაში გაოფლილი კი ჭერაც ვერაფერ გნახაო.

კიდევ კარგი, რომ შენებრი, სოფლად არა გვყავს ბევრია, ატირდებოდა მოყვარე, გაიხარებდა მტერია.

დაბვეუმძრახა რადიო

არ ვიცი, რა დავუშავეთ, დაგვეუმძრახა რადიო,

რაც უკვე ხმას აოარა გვეცმს. გავიდა წელიწადიო.

ნეტავ, რა უნდა ვიღონოთ, რომ შეგვირიგდეს რადიო? — შერიგებისთვის მონტიორს ჭიბეში უნდა ნაღლიო.

თედო მინვარაული,

სიღნაღის რ-ნი, სოფ. არხილოს ქალო

შეკრიბა ბ. ბერიანშვილმა

ასე უნდა დაიარსება

ვამაყობ სიდერ-სიმამრით, ცოლისდებით და ქვისლებით, ყველა ქალაქში დასახლდა, ყველა კარგად მყავს, ღვთის ნებით.

ვინ მეფუტკრეა, ვინ კიდევ მებაღე-მევეენახეა. ქალაქს რა? თორემ სოფლისთვის ყველა საჭირო ხალხია. არა, სოფელიც კი ახსოვთ, — და ეს ხუმრობა როდია, — სართვლოდ და საფელამუშოდ ყოველ წელიწადს მოდიან. აიყრებიან სკასავით, მორბის დიდი და პატარა, რაც მოსავალი მომივა, სულ ქალაქში სურთ გატანა. ხან ავტოსადგურს ვეწვევი, ხან ვარ რკინიგზის ბაქანზე, ხანაც თვითმფრინავს დავხვდები, სიდერს ცაში ვცნობ ქაქანზე. მოდიან ცარიელები, მიდიან დაბარგულები, წავლენ და შემოდგომამდე ასე ვართ დაკარგულები.

ბრ. ჩიჭვილბაძე



ნახ. ბ. შირცხალაშვილი

— რაა, კაცო, ცალ ფეხეა კალოში?
— რადიო გამოაცხადა, ალაბ-ალაბ წვიმაო...

ტაბილ-მწარე

მეგობარმა დამპატიოა: „გიწვევ მთელი გულითაო, ვერ გავმძღარვარ, კარგად იცი, შენი სიყვარულითაო.“

მიველ, ვნახე. დამხვდა მართლაც ჭიფით და ლხინითაო, დაშაქრული ენითა და შაქრიანი ღვინითაო.

თოთია წიკლაური, წითელწყაროს რ-ნი, სოფ. ზემოქედი.

ახლა შენთვისაც მოვიტლი და ლექსსაც გიტყვი, გახაო: ეგრე რამ გავახაპარა, ეგრე რამ დაგაგლახაო?

მსჯა ჰაჩობა ჰაჩოცლასს

შაქრის ქარხნის დირექტორად ვირთხა დააწინაურეს. ამ ამბავმა, რა თქმა უნდა, ფრთა შეასხა შინაურებს!

თ ა გ ვ ი: ძმაო, მე კი ვუძღებ გაჩენიდან წყვეულ შიმშილს, მაგრამ, მართოდ ვფიქრობ, ღრდით ვერ გავადლებ შენს ცხრა დისშვილს!

ვ ი რ თ ხ ა: ვინ მყავს შენზე ახლოს?

მოიფიქრე და თუ გაწყობს, ჩემი თავი გენაცვალოს, — ჩაგაბარებ მთავარ საწყობს!

თ ა გ უ ნ ი ა: დავიდალე სამსახურის ძებნით გუშინ, ვინ მადირსა? მე ხომ სამჯერ გახლდი წყვეულ სათაგურში?

ვ ი რ თ ხ ა: შენთვის ქარხნის დაცვის

უფროსობა მომიცია; ორივე ხელს დაგაფარებ, თუ დაგეცა კომისია.

თ რ ი თ ი ნ ა: შენ კარგად იცი, ბაღი მარჩენს, ერთი ციცქნა, მაგრამ, თქვი, რა თავში ვიხლი ზამთარ-ზაფხულ მიწის ჩიჩქნას?!

ვ ი რ თ ხ ა: ჩემო კარგო თრითინ, ჯერჯერობით, არ მაქვს სხვა გზა: ასამდე ხომ კარგად ითვლი? ჩაიბარე ჭარხლის ბაზა!..

ვისაც სტაჟი ჰქონდა ძველი, ან წაიქცა, ან გაიქცა და ქარხანა ძმა-ბიჭების სათარეშოდ გადაიქცა.

საჩივარმაც, როგორც წესი, ვირთხასავით მოიმატა, რევიზიის მოსაწყობად ემზადება შავი კატა.

ქიჟვარდ ისაკაძე

ამ ცოტა ხნის წინ ჩვენს რედაქციას ეწვია სსრ კავშირში სტუმრად მყოფი პოპულარული თურქი მწერალი-იუმორისტი აზიზ ნასინი, რომელმაც ქართველი მკითხველებისათვის დაგვიტოვა პატარა მოთხრობა.

წერტილი, ტირე, ტორე, წერტილი, ტირე, წერტილი...

ასეთი ნიშნები მოდიოდა ბარჯა „უნქაფანადა“. უახლოესი ნავსადგურის უფროსი რადისტი მორხეს ანბანით ბარჯა „უნქაფანს“ ეკითხებოდა:

— რა მოხდა?
პასუხი კვლე მოკლე იყო:
— გემი ლოკოკინებმა დაიპყრეს, საშიშროება დიდია!

ეს ცნობა რამდენიმე წუთში მოედო ზღვაში გასულ ყველა გემს. რადიოები, აპარატები შეუჩერებელივ გადასცემდნენ:

— „უნქაფანი“ ლოკოკინებმა დაიპყრეს!

ბარჯა „უნქაფანა“ სტამბოლის ნავსადგურიდან ხუთი ტონა ლოკოკინა გაიტანა. ლოკოკინებით სავსე სუნდუკები ბარჯის საწყობებში დაალაგეს. იგი საფრანგეთში მიჰქონდათ. ბარჯამ სხვა ბარჯიც ბლომად მიიღო და გზას გაუდგამგზავრობის მეორე ღამე იყო. კაპიტანს მშვიდად ეძინა კაიუტაში. უცებ იგრძნო, რომ მის სახეზე რაღაც დასერილობდა და სველ კვალს სტოვებდა.

ხელი შეახო, რბილი სხეული იყო... და განა ერთი? ბევრი! კაპიტანი ყვირილით გაეარდა კაიუ-

ტოდან და, სადაც კი ფეხს დაადგამდა, ყველგან ლოკოკინებს სრესდა.

ყველა, ვინც გემზე იყო, შიშმა აიტანა. გემს რომ ძირი გახერხებოდა და წყალს ამოეხეთქა, ასე არ შეეზინდებოდათ.

მეზღვაურებმა ცოცხებს წაველეს ხელი და ლოკოკინებს ზღვაში გადაუძახეს, მაგრამ ერთის ადგილზე ოთხი იყრდა თავს.

კაპიტანმა ბრძანება გასცა:

დასკინებმა დაიპყრეს გემი!

— სასწრაფოდ მოითხოვეთ დახმარება!

რადისტი მიუახლოვდა მიკროფონს, რომელიც ლოკოკინებს დაეფარათ. ფეხით მიმოფანტა ისინი და გადამცემი ჩართო:

„Sos, Sos, Sos! — გემი დაიპყრეს ლოკოკინებმა!“

ამ ბრძოლაში გემმა მარსელს მიაღწია.

მეტი გზა არ იყო, გემი რაიმე წამლით, თუნდაც შხამიანი გაზით, უნდა გაეწმინდათ. კაპიტანი, მისი თანაშემწე, მემანქანე და რამდენიმე მეზღვაური ხმელეთზე გადმოვიდნენ და ოტელისაკენ გაემართნენ. როგორც კი ოტელში შევიდნენ, ტანსაცმელი გაიხადეს. ლოკოკინები ჭიბებებიდანაც ცვიოდა. უპირველესად, იბანავეს. ტანსაცმელს ლოკოკინების ვერცხლისფერი კვალი ზოლებად დაჰყვებოდა. ორი დღე-ღამის უტემელ-უსმელელები რესტორანში ჩავიდნენ და მაგიდებს მიუსხდნენ.

— გვაქვს რამის უფსკლესი პიტანმა მიტანს...
— რას მიბრძანებთ?

— სულ ერთია, რაც უნდა იყოს, ნამგზავრები ვართ. ყველაზე კარგი რაც გაქვთ, მოგვიტანეთ! კარგად რომ შენაყრდნენ, შტურმანმა თქვა:

— წვნიანი მშვენიერი იყო!
— ჩიხირთაზე რას იტყვი?
— მოხარული ხორცი ყველაფერს ჯობდა! — თქვა კაპიტანმა.

— ხბო! ხორცა!
— არა, ეს ხბო არ არის, ბატკანია.

— მე თუ მკითხავთ, თევზია.
— რალაც არა მგონია. ეი, ვარსონ, აბა, მოგვხედ!


— გისმენთ!
— ჩიხირთა რისგანაა გაქეთებული?

— თქვენ რომ მოგეწონათ, მუსიკა? ახლახან თურქეთიდან ლოკოკინებით დატვირთული გემი ჩამოვიდა და...

— რაო?
— სალთა რისაა?
— ლოკოკინისა.
— ხაშლამა? ხაშლამა რისაა?
— ლოკოკინისა, მუსიკა!
— წვნიანი? — იყვირეს მეზღვაურებმა.
— ჩვენი შეფი ხარჯებს არ ერიდება, წვნიანიც ლოკოკინისაა!

თურქულიდან თარგმნა ბ. ბათიაშვილმა

ქართულ ფუტკარს ბუქარესტში მეფუტკარეობის პირველი საერთაშორისო გამოფენა-ბაზრობის ოქროს მედალი მიენიჭა.



ნახ. ა. კანდელაკისა

— საით მიგვიჩქარებათ?
— სკორტის სსახლეში, შეხვედრას გვიწყობან!



ნახ. 3. ვუშაბურძინის

— არ მომიპარავს, მივკონია, ახლა ჩემი-ა-ა-ა!
— სხვა რამე იმდერე, ახლაც გამოემიჯმელთან ხომ არა ხარ?!

ქაქავები დრამა

ტელეფონის ზარის ხმამ საწოლიდან წამო-
მაგლო.
— მეგობარო, თუ შეიძლება, მძლოლი რომა
რომაა, თქვენი კარის მეზობელი, თხოვეთ ტე-
ლეფონთან!
— რა დროს რომაა, კაცო, ამ შუალამისას?!
— გადაუდ-გადმოუდებელი საქმე გვაქვს, თუ
ძმა ხარ!

პიჯაკს ვიღებ და კბილების მონოტონური ძაგ-
ძაგით ქუჩის მეორე მხარეს მცხოვრები „კარის
მეზობლის“ სახლისკენ მივიბარები. დაკაკუნე-
ბისთანავე, კარი შექექიფიანებულმა მასპინძელ-
მა გაიწილა და ღიღინით გამომყევა.
— რომელი ხარ? რამ მოგაგონა, ბიჭო, ჩემი.
თავი? ოხ, შენი! კარგი, ჩემზე იყოს! — გამე-
ტებით დააგდო ყურმილი და მითხრა:
— ამხანაგმა იანგლა. ალბათ, იფიქრა ცოტას
გაეაწვალეო. კიდევ კარგი, დაწოლილი არ ვი-
ყავი, თორემ ამ შუალამისას ადგომა არ გინ-
დოდა? ეგ არაფერი, იმის მეზობელსაც აქვს
ტელეფონი. ახლა პირველი საათია. არა, მე
აქედან ორზე დავურეკავ. ჯერჯერობით, ერ-
თით ნოლია იმის სასარგებლოდ! — მხარზე
ხელი დამკრა, ჩაიხიბითა და ღამის 2 საათამდე
ღამემშვიდობისა მისურვა.
ღამის ორ საათზე ანგარიში გათანაბრდა. და-
ინიშნა დამატებითი დრო, მაგრამ, ზუსტად და-
მის სამ საათზე, ჩემი „კარის მეზობელი“ უხე-
შობისათვის ოჯახიდან კინწისკვრით იქნა გა-
ძეგებული.

უ. შადრანიშვილი




ქართული ახსენება

ბროლებსში ამოსული ქალის დანახვისთანავე
ახალკვარდები ფეხზე წამოიჭრნენ, ადვილი დაუთმეს
და მოწიწებით გასცილდნენ იქაურობას.
ვინ იყო ის ქალი — მათი მასწავლებელი თუ ლექ-
ტორი?
პასუხი: ბილეთების კონტროლიორი.
—
ორმოციოდე წლის პერკულეს ბაძალუამ ერთ წელი-
წადში გამოიცვალა ორი ტექნიკუმი, ერთი დაუსწრებე-
ლი და სამი საღამოს დასწრებული ინსტიტუტი.
სად მუშაობს ბაძალუა?
პასუხი: არსად. მამამისი მუშაობს.

გაქვიდეველ ამბოკაძეს დააკლდა ოცდახუთი მანეთი,
რისთვისაც იგი შეამოწმა სამმა ინსპექტორმა, ხუთმა
საზოგადოებრივმა კონტროლიორმა, ორმა რევიზორმა,
სულ — ათმა კაცმა.
დაიფარა დანაკლისი?
პასუხი: არა. დანაკლისი 10-ჯერ გაიზარდა.
—
„ვოლგა“ საათში გადის 140 კმ-ს. ცხაკაიიდან ფო-
თამდე 30 კმ-ის გავლას კი 3 სათზე მეტს უნდებო.
რატომ?
პასუხი: სხვა გზა არ არის.
3. კახელიშვილი.

მანკოს რუსულ-ქართული დექსიკონი

- Выгрузил — თქვენ ქართველი ხართ?
- Смелые люди — ლუდის მსმელები
- Кулисы — მელოტი კუ
- Помилован — გასაპნული
- Наука — პატარა ნავი
- Коньяк — კვიცი
- Конёк — კონიაკი
- Стрелочник — მსროლელი
- Мул — მული
- Провокация — კაცის უფლება
- Выигриш — თქვენ და გრიშა
- Бойкот — კატების ომი



ნახ. 3. ლოლუასი

— ხომ გუშინგოდი, სხვის საკინსს ხელს ნუ
ახლებ-მითქი! აი, სად ამოჯავი თავი?!

წინასწარი



თვითმკვლავობა.

თუ ერთი ხეირიანი თოფი მაინც გაქვთ თოფთში, (თუ არც ესა გაქვთ, ითხოვეთ სადმე, მეზობელ სოფელში), მარტივად კარგად გატენეთ, (ვერვინ დაგძრახავთ მაგაზე), თქვენ იცით, ბოლს სად გაადენთ სოფლის უთავო თავკაცებს.

ხან ჩავგირთავენ ელექტრონს, ხან კიდევ გამოგვირთავენ; არაფერი არ გამოდის, „თელასთანაც“ კი ვიდავეთ! ქ. თბილისი, ხევჭმარის ქუჩის მცხოვრებლები.

წინასწარი

დამნაშავესთან მიბრძანდით, (ვინც არის, თვით დაადგინეთ!) ხევჭმარელები თუ გქვიათ, ცხვირიდან ძმარი აღინეთ!

სახლის შენებას შავუდექ, ფიცარს დავადე ფიცარი. საქმე კრამიტზე რომ მიდგა. შიბნ გავიარე კლდისანი. მეტეხის აგურ-კრამიტის ქარხანა შემწევე ვიცანი... კრამიტ ეზოში დავაწყვე, სანამ სახლს გადავხურავდი, სულ მალე გადამეშალა თვალწინ ასეთი სურათი: ორი ათასი ცალიდან, ექვსასი იყო დაშლილი, ძარღვებში სისხლი გამიშრა, დავიწვი, როგორც ნახშირი. ქარხნის დირექტორს მივმართე, (იქვე დამეცა დამბლაო). მითხრა: ცის ქვეშ რომ აწყობდი. შენ რა გეგონა, აბაო? შინ კამისიაც მეწვია, მითხრეს: ეს ხშირად ხდებოა, რაც დაგრჩა, იმით დაჰხურე, ვფიქრობთ, არ დაიშლებოა. მეც ავდექი და დაჰხურე, კრამიტი კრამიტს ჩავჰკირე... ი კამისიის ფიცი მწამს, კრამიტის შლა კი მაკვირვებს!

ილო მელაძე, დუშეთის რაიონის სოფელი საკრამული.

წინასწარი

ძვირფასო ილო მელაძე, სამძიმარს გეტყვით ჭირისა. იქნება, ის დირექტორი შენზე მწარედა სტირისა? მიდი და დააშოშმინე, ინმარე ჯადო-თილისმა. უთხარი: „დაშლა მეელის სახურავს ყველა ბინისა, კრამიტი თიხისა იყო, ხომ არ ყოფილა რკინისა?“

ოქროს ხეობა საქართველოში

როგორც ჰქუხს, ისე არა წვიმის, არა შემთხვევითი კი-პირიქით: როგორც წვიმს, ისე არა ჰქუხს! მათურად მოვიდა ოქროს მედლების შეხაპუნა წვიმა. აგერ მერამდენე დღეა გადაუღებელი თავსხმაა. ამინდის ბიუროს პროგნოზით კი კვლავ ოქროს წვიმაა მოსალოდნელი. ჩვენმა კორესპონდენტმა ინტერვიუ თხოვა მთავარ სინოპტიკოს ამხ. შ. პ. შაქარიშვილს: შენ პირს შაქარი, შაქარიშვილო, ორიოდე სიტყვით გვიამბე ამ ოქროს წვიმის შესახებო.

...ამასწინათ მტკვრისა და რიონის ხეობებში ამოვარდა უზომო ძლიერად ქარი (თბილისის დინამო-ლეზმა და ქუთაისის ტორპედოლეზმა კინაღამ ამ ქარს გაატანეს შარშან მამასისხლად მოპოვებული წარმატება), რასაც დაბლობ რაიონებში მოჰყვა შრუანტელის მოგვრამდე ცივი ნაკადის შემოჭრა, სპორტულ ბაზებზე და სტადიონებზე მნიშვნელოვანი მოღრუბლულობა ელექტიით და თავზე მეხის დაცემით.

აგვისტოსა და სექტემბრის დასაწყისში საგრძნობლად დათბა. ჩვენს რესპუბლიკაზე გადაიარა ბედნიერმა ციკლონმა და შეეჯახა შრომით მოწეული ბარაქიანი ქართული შემოდგომის უღრუბლო ცას. თბილი ნაკადის ცივთან უეცრად შეჯახებამ გამოიწვია ოქროს წვიმა: თბილისში, ყურძნის, შამშანური ღვინოებისა და კონიაკების საერთაშორისო კონკურსზე ოქროს მედლების სეტყვა მოვიდა; მოსკოვში საზოგადოებრივი კვების საწარმოთა საკავშირო დათვლიერება-კონკურსზე ქართულმა პურ-მარკამ მიიღო დიდი მედალი; ბუქარესტში მეფუტკრეობის მეოცე საერთაშორისო-საიუბილეო კონგრესზე ქართულმა ფუტკარმა „მოთაფლა“ ჟიური და მთავარი პრიზით—დიდი ოქროს მედალით დაგვატკბო; სპორტის სახსლეში ქართველმა ფალანგებმა — 19 წლის პირველთაწიგონანმა ტ. ალიბეგაშვილმა, ს. ქარსაულიძემ, გ. საღარაძემ და შ. ლომიძემ ოქროს მოსავალი აიღეს, სსრ კავშირის ჩემპიონები გახდნენ; ერევნიდან ოქროს მედალი წამოიღო ზარიბეგ ბერიაშვილმა; თბილისელი ბორის პოლულოხის წყალში გადახტა და იქიდან ამოიღო ოქროს მედალი; ოქროს მამიებელი თბილისელი ომარ ფხაკაძე თავისი ველოსიპედით დიდ ჯილდოს ესპანეთშიც კი გამოიკიდა. ქალაქ სან-სებასტიანში უძლიერეს იტალიელ ველომბრბოლს ტურინს ორთაბრძოლისას გადაულაპარაკა: ამ სიშორიდან ჩამოსულ კაცს არ დამიწყო ახლა იტალიურიო!.. და მსოფლიო ჩემპიონობა წაართვა.

ეწვიმოს, ეწვიმოს, სულ ჩვენენ ეწვიმოს! ასე თუ გაგრძელდა, „დასვენება“ არ აგვცდება.



არ გვაქვს სინათლე. წავვიღეს ტელევიზორზე ფიქრებმა... ჩვენი სოფლის გზა არ ვარგა, სხვა გზა გვასწავლოთ, იქნება. მდგომარეობის მაგივრად თავმჯდომარეებს გვიცვლიან, გაგენარდებენ, ისეთი დაპირებები იციან. **ბურამ გიორგაძე, ვანის რაიონის სოფ. ყუმური.**

წინასწარი

გულს ნუ გაიტეხთ! (თუმცადა უსინათლობა ძნელია). ალბათ, თავ-რეთა ამდენ ცვლას, მოჰყვება ცვლადი ღენია.

ხეირიანი „ვარძის“ არც ხორცი აქვს და არც რძე აქვს. **აბასთუმნის სანატორიუმ „ვარძის“ დამსვენებლები.**

წინასწარი


მოიპატიეთ უფროსი სადილზე, ანდა ვახშამზე, მერე კისერში ჩაასხით, უარი თუ თქვას მაგ შხამზე!

...მართალი გითხრათ, ჩვენც გვიკვირს, ამდენხანს როგორ ვაძელოთ: ხილები არ გვაქვს, გზა არ გვაქვს, წყალი არა გვაქვს სასმელი. საავადმყოფო გვენგრევა, კლუბი რომ ნახო, იტირებ! ეს ჩვენი თავკაცობა კი თავს არაფერზე იტკივებს.

სერაპიონ სანიკიძე, სამტრედიის რაიონის სოფელი ოფთი.



„პასუხმა ააფეთქა“.



უბაქსტო ხუმრობა

1. უფროსს თუ რკინის გული აქვს, გულის ჯიბით მაგნიტი ატარე.
 2. მარცხენა ყბაში რომ მოგარტყან, მარჯვენაც მიუშვირე. ეს საჭიროა სიმეტრიისათვის.
 3. ტროლეიბუსში უფრო ხშირად ამოისუნთქე, ვიდრე ჩაისუნთქავ. ამას მოითხოვს პირადი ჰიგიენა.
 4. სტუმარს ისე დახვდი, თავი საკუთარ სახლში ეგონოს. მოწყინდება, მეორედ აღარ მოვა.
 5. ცოლს მეტწილად ტელეფონით ელაპარაკე, ზოგ რამეს მაინც აიცდენ.
 6. ლექსების კითხვისას იფიქრე: ვინ შეიძლებოდა გამოსულიყო მისი ავტორი.
 7. თავის ტკივილზე ექიმს არ მიმართო. აუტკივარი თავი არ აიტკივო.
 8. მტერს ტყვიას თუ ვერ მოარტყამ, სიტყვა ესროლე. არ აცდება.
 9. თუ ტყუილზე დაგიჭირეს, არ თქვა: „ტყუილად“ დამიჭირესო.
 10. ისეთ ადგილზე ნუ დაჯდები, მალე აგაყენონ, ისეთ ადგილზე ნუ დადგები, მალე „დაგაჯინონ“.

ჩ ა რ ლ ი

„მეყუანი“
ტყუნი

გამფლანგველს ტყუი გააძრო.
 უთხრეს: „მოეფი, მაგასო!“
 ქურდს ქურდობაზე წაასწრო.
 უთხრეს: „ეგ რომ ქურდს არ ჰგავსო?“
 ენატანია გაჰკიცხა,
 უთხრეს: „რას ერჩი კარგ კაცსო!“
 შლიქნელი რომ დაამიწა,
 უთხრეს: „რატომ სტებ განგაშსო!“
 ტერენტი განა გაბრაზდა,
 მტყუანი ვარო, დარწმუნდა,
 ცოტათი კიდევ „დაბრმავდა“.
 ცოტათი კიდევ „დაყრუვდა“.


ვ. ჩაპჩაძე

დ. იმედაძე

ქ ა მ ა მ ე რ ი

- სიმდიდრემ ძმები ვაყო, სიღარიბემ — გასაყოფი რა გვაქვსო.
- ტანმორჩილ დახლიდარზე თქვეს — რაც დახლზემთ არის, საში იმდენი დახლქვეშააო.
- ქურდმა მონტიორს თხოვა: ბნელი ღამე მინდაო.
- სოფელზე რომანის სიუჟეტს ვეძებო! უთხრეს — ამ ქალაქში რას იშოვნო?

ბ. ნ.




ნახ. 3. ზუმბურიძისა

— ზუა, შე შუმბურიძე!

ქ ა ს ა ც უ რ ი

— სულითა და გულით გაიხლებით თქვენს სადღეგრძელოს! თქვენ შესანიშნავი, დიდებული ქართველი ბრძანდებით! თქვენ უადრესად ნიჭიერი, საქმიანი, ჭირში და ლხინში გამოსადეგი, ერთი სიტყვით, ნამდვილი კაცური კაცი ხართ! ნამდვილად ღირსი ხართ დღეგრძელობისა და ღირსეულად გაგიმარჯოთ, თქვენ ჩემო... შენ ჩემო... ჩემო... ჩვენო... შენო... ბოლომდე, საბჭოელო სახელი და გვარი მაჩუქეთ!

- კბილის ჯაგრისი გაქვთ?
- ინებეთ!
- თმის გასამაგრებელი წამალიც გქვებათ!
- რისთვის გინდათ?
- კბილის ჯაგრისს უნდა წაფუსვა, რომ არ გაცვივდეს.



რედაქტორი ნ. ლუმბაძე

სარედაქციო კოლეგია: ს. კლდიაშვილი, ნ. მალაზონია, გ. ნიშნიანიძე, მ. ქარჩავა, ნ. შველიძე, ო. ჭელიძე.

საქ. კვ. ცენტრალური კომიტეტის გამომცემლობა

თბილისი. სატირისა და იუმორის ჟურნალი „ნიანგი“. Тбилиси. Сатирико-юмористический журнал „Нианги“.
 რედაქციის მისამართი: რუსთაველის პრ. № 42. ტელეფონები: რედაქტორის — 9-76-69, საერთო განყოფილების — 3-10-78

ხელმოწ. დასაბ. 17/IX-1965 წ. ქალ. ზომა 70x108 1/8 0,5 ნახ. ფურც. 1,37. ფიზიკურ ფორმათა რაოდენობა 0,5, პირობით ფორმათა რაოდენობა 1, ხელნაწერები ავტორებს არ უბრუნდებათ. საქ. კვ. გამომცემლობის სტამბა № 1. ლენინის ქ. № 14. შეკვ. № 3077 უე 01764 ტირაჟი 40000

65-663

ИНДЕКС 76317
თარგობის
გაზეთი



ტ. 65

ნახ. გ. შირცხალაშვილი

საზოგადოებრივი „თეზა“